


Bíblia ba labarik sira
aprezenta

Hahu Ba Ema Nia
Laran Triste



Hakerek na'in: Edward Hughes
Hahilas na'in: Byron Unger; Lazarus
Alastair Paterson
Adapitasaun: M. Maillot; Tammy S.
Tradusaun: José Guerreiro Junior
Produsaun: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

Autorizasaun: Ita-boot iha direitu atu halo kopi ka printer
istória ida ne'e, desdeke la faan.



Maromak hakiak buat hotu-hotu!
Bainhira Maromak halo ema primeiru,
Adão, nia moris iha Jardim Eden ho
ninia feen, Eva. Sira haksolok no
halo tuir Maromak no aproveita ninia
presenza to'o loron
ida ne'ebe ...





"Maromak mak hatete katak imi la bele haan husi ai-run ne'eba?" Husu samea


ba Eva. "Ami bele haan husi ai-fuan hotu, menus husi ne'eba", fó hatan nia. "Se ami haan ka kona iha ai-fuan ne'eba, ami sei

mate". "Imi la mate", ko'alia fali samea. "Imi sai hanesan Maromak."

Eva hakarak ai-fuan ne'eba. Nia rona samea

no haan

ai-fuan ne'eba.



Depois katak Eva dezobedese
Maromak, nia lori ai-fuan ba
Adão haan mós. Adão la bele
haan ai-fuan ne'e iha tempu
ne'eba, nia tenki dehan:
La'e! Ha'u la kohi
dezobedese
Maromak nia
Liafuan.






Kuandu Adão no Eva monu ba sala,
sira hatene katak sira molik hela. Sira suku
ai-tahan husi ai-hun ne'ebe fó figus, atu hatais
no sira subar aan husi Maromak nia prezensa.



Iha loron ida bainhira lokraik besik atu ramata, Maromak ba to'o Jardin. Nia hatene saida katak Adão no Eva halo tiha. Adão fó kulpa ba Eva. No Eva fó kulpa ba samea. Maromak hatete: Katak samea simu malisan. Feto sei partus ho moras makas. Adão, tan husi ó nia sala, rai sei simu malisan no sei produz ai-tarak no du'ut ne'ebe la di'ak. Ó sei presiza halo servisu todan

atu iha
hahaan
loron-ba-loron.





Maromak duni Adão
no Eva ba

Iu husi Jardin.

Tan sira nia sala, sira haketak husi
Maromak nia prezensa. Maromak
halo surik kroat atu sira labele
tama fali. Maromak halo
kazaku ba sira
ho bibi-malae
nia kulit.




Ho tempu, Adão no Eva nia familia hahu. Oan
primeiru simu naran Caim, nia sai agrikultor. Oan
segundu mak Abel, nia sai bibi atan. Loron ida Caim
lori ba Na'i fuan sira ruma husi ninia toos nu'udar
oferta. Abel lori bibi-malae, ne'ebe
kapas loos, ne'ebe
nia iha nu'udar
oferta.
Maromak
haksolok hela ho
Abel ninia



oferta.



Maibe Maromak la haksolok ho
Caim ninia oferta. Caim sente
hirus ho ida ne'e. Maibe
Maromak hatete ba nia: Se ó
halo buat ne'ebe loos, agora ó
hamnasa hela.



Caim nia odi la hatum. Tempu
uituan depois nia ataka Abel
iha toos no oho nia!




Maromak hatete ba Caim: Ó nia alin Abel iha ne'ebe?
Ha'u la hatene, hatan Caim ho lian bosok, karik ha'u
mak responsável ba ha'u nia alin? Maromak fó
kastigu ba Caim no hasai husi nia
ninia matenek atu kultiva toos no
nia sai ema ne'ebe la'o de'it
no la iha objetivu ida.



Caim halai husi Maromak nia prezensa. Nia hola feto klosan ida husi Adão no Eva. No sira forma familia ida. Depois katak akontese ne'e, Caim sira nia bei-oan aumenta sidade ne'ebe nia hahu.



Adão no Eva nia familia mós aumenta
lalais. Iha tempu ne'eba, ema moris
barak liu duké ohin.



Bainhira sira nia oan Sete moris mai,
Eva hatete: "Maromak fó mai ha'u Sete
iha Abel nia fatin." Sete ema Maromak
nian katak moris durante tinan 912 no
iha oan barak.



Emá hotu iha mundu aumenta sira nia aat,
jerasaun após jerasaun. To'o bainhira
Maromak deside destroi emá
hotu-hotu no balada sira no manu
fuik sira hotu. Maromak nia
laran-kasian tan
halo emá.



Maibe
mane ida
halo Maromak
nia laran
kontenti ...



Mane ne'e mak Noé. Sete nia jerasaun,
Noé ema ne'ebe justu no halo tuir. Nia la'o ho
Maromak. Nia mós hanorin ba ninia oan
nain tolu atu halo tuir Maromak.
Entaun Maromak halo planu ida
atu uza Nóe ho forma
ne'ebe ladun normal
maibe

especial
tebes.



Hahu Ba Ema Nia Laran Triste

Istória ne'e husi Maromak nia Liafuan, Bíblia,


bele hetan iha

Jenesis kap. 3-6


"Esplikasaun husi ita nia liafuan lori naroman."

Salmu 119:130





2



60



Istória ida ne'e husi Bíblia hatudu mai ita kona-ba ita nia Maromak Maravillozu katak hakiak ita hotu no hakarak katak ita koñese nia.

Maromak hatene katak ita halo buat ne'ebe aat, ne'ebe ita bolu sala. Sala ne'e nia kastigu mak mate, maibe Maromak hadomi tantu ita katak nia haruka ninia oan mesak, Jesus, atu mate iha kruz no selu ita nia sala tomak. Jesus moris fila-fali no ba ninia uma iha paraízu. Se ita fiar ba Jesus no husu ba Nia fó-perdua ita nia sala, Nia fó perdaun. Nia mai moris iha ita nia moris ohin, no ita sei moris ho Nia nafatin.

Se ita fiar katak ne'e mak lia-loos, dehan ida ne'e ba Maromak: Ha'u nia Jesus, ha'u fiar katak Ita-Boot mak Maromak, no sai mane atu mate tan ha'u nia sala, no agora Ita-Boot moris fila-fali. Halo favor, tama iha ha'u nia moris no perdua ha'u nia sala, atu ha'u bele iha moris foun ida, no loron ida sei ba hela hamutuk ho Ita-Boot nafatin. Ajuda ha'u halo tuir no moris ba Ita-Boot nu'udar ita nia oan. Amem.

Lee Bíblia no ko'alia ho Maromak loron ba loron! João 3.16

